

欽定書經圖說

第十四冊

卷三十六至
三十九

欽定書經圖說目錄三十六

君奭九圖

君奭圖

周公告奭圖

伊陟格帝圖

咸乂王家圖

四方是孚圖

四方是孚副圖

文王修夏圖

武王劉敵圖

海隅率俾圖

[illegible]

君奭

此篇記周公告召公之詞周公攝政七年既致太平召公以公功克配文武不宜復列臣位今復退居師氏與己為保氏同相成王之左右疑其貪寵而不悅於是周公反覆詳告以諭之因其首呼君奭故以名篇

[illegible]

君奭圖


召公

光緒三十一年

欽定四庫全書



周公告奭圖



周公若曰君奭弗弔天降喪于殷殷既墜厥命我有周既受我不敢知曰厥基永孚于休若天棐忱我亦不敢知曰其終出于不祥嗚呼君已曰時我我亦不敢寧于上帝命弗永遠念天威越我民罔尤違惟人在我後嗣子孫大弗克恭上下遏佚前人光在家不知天命不易天難諶乃其墜命弗克經歷嗣前人恭明德在今予小子旦非克有正迪惟前人光施于我沖子又曰天不可信我道惟寧王德延天不庸釋于文王受命

弔善也基始也若順

也祥善也已往也在察也遏佚絕失也寧王文王也庸使也

此二幅圖是寫周公首述天命以告召公也周公致政復居臣位召公疑其貪寵周公因尊稱以君而告之曰昔殷家弗

善於天天乃降喪亡於殷殷既墜失其命而我有周既受之
矣我不敢知殷家之始能永永孚信於休美以順天而輔忱
也亦不敢知其終出於不善也我所知者惟輔周耳嗚呼君
往日嘗謂輔周是為我責我不辭其責者亦以不敢安恃此
天命之故君今何不永遠念彼天威以感化於我民俾無違
背也惟衆人共觀察我後嗣子孫所行之政以為從違儻嗣
王大不能恭承乎上天下地必至絕失先王之光烈若我退
老在家則不得聞知我惡能不留輔嗣王也且天之命不易
受而命之去就尤難諶信乃其所以墜失厥命者必其王不
能經歷久遠以嗣前人而承奉其明德者也在今日我小子

旦非敢謂能有所匡正亦惟迪道先王光烈以施於我沖子而已我又念曰天命去就其不可謐信既如此則我所欲迪道者惟文王之德足以延長之蓋天意不欲使我周釋舍於文王所受之命也

校印

欽定四庫全書

四

伊陟格帝圖

太戊

伊陟



光緒三十一年

欽定四庫全書

五

咸义王家圖



公曰君奭我聞在昔成湯既受命時則有若伊尹格于皇天在太甲時則有若保衡在太戊時則有若伊陟臣扈格于上帝巫咸又王家在祖乙時則有若巫賢在武丁時則有若甘盤率惟茲有陳保又有殷故殷禮陟配天多厯年所

陟升也所者不定之詞也

此二幅圖是寫周公稱殷臣以勉召公也周公又曰君奭我聞在昔殷先王成湯既受命為天子之時其臣則有若伊尹名摯者湯倚之以取平而名為阿衡其道之大直格至於皇天至湯孫太甲之時則有如伊尹仍居阿衡之官而改名保衡至太甲孫太戊之時則有如伊尹之子伊陟及其時有臣曰扈與湯時臣扈同名者夾輔殷邦其道亦格至於上帝所

謂帝太戊贊伊陟於廟言弗臣伊陟讓作原命是也又有巫
官名咸亦能助陟扈而又治王家巫咸精於星象之學又王
家者所謂毫有祥桑穀共生於朝伊陟贊於巫咸作咸又是
也至太戊孫祖乙之時則有如巫咸之子巫賢至祖乙玄孫
武丁之時則有如武丁所學之甘盤靡非君明臣良後先濟
美惟此六臣克佐其君率循此道致各有陳列之績以保乂
有殷故有殷禘饗郊冥祖契宗湯之祀禮能厯年長久而不
替按王孫滿云桀為無道鼎遷于商載祀六百據爾雅商曰
祀周曰年故云多厯年所也

四方是孚圖

文身 鬚髮 漚漚 越 十 九 漚 伊 仇 婁 符

東胡其龍嬖月氏樓煩匈奴代翟豹胡且略姑他莎車大夏空同

謹案逸周書王會篇湯問伊尹曰諸侯來獻或無牛馬之所生而獻遠方之物事實相反不利今吾欲因其地勢所有獻之易得而必貴其為四方獻令伊尹受命為四方令曰臣請正東符婁仇州伊慮漚深九夷十蠻越漚鬣髮文身請令以魚皮之鞞烏鰂之醬鮫鼈利劍為獻正南甌鄧桂國指子產里百濮九菑請令以珠璣璫瑁象齒文犀翠羽菌鶴矩狗為獻正西昆侖狗國鬼親枳已闌耳貫胸雕題離邱漆齒請令以丹青白旄純罽江厯龍角神龜為獻正北空桐大夏莎車姑他且略豹胡代翟匈奴樓煩月氏罽犂其龍東胡請令以橐駝白玉野馬駒騊駼良弓為獻湯曰善此即本書殷家有事四方罔不是孚之證

昆侖
 狗國
 鬼親
 己枳
 閻耳
 貫胸
 雕題
 離邱
 漆齒

臨 鄧 桂 國 指 子 產 里 百 漢 九 菌

